

## **BUDŽET GRAĐANA OPŠTINE ŠAMAC ZA 2023. godinu**

Pred Vama se nalazi pojednostavljeni prikaz usvojenog budžeta za 2023. godinu. Sadržaj uključuje pregled ukupnog budžeta i nekoliko izdvojenih kategorija, na prihodovnoj i rashodovnoj strani, koje mogu biti od interesa za građane.

Na ovaj način želimo pomoći građanima da bolje razumiju sadržaj budžeta opštine, odakle novac dolazi i na šta se konkretno troši. Cilj je također podstaći građane da učestvuju u procesu izrade i realizacije budžeta u 2024. godini.

### **Šta je budžet opštine?**

**Budžet** je finansijski plan koji **jedinica lokalne samouprave (JLS)** koristi za procjenu očekivanih prihoda od poreza, taksi, donacija i drugih izvora, te utvrđenih rashoda za različite usluge, projekte, inicijative i potrebe lokalne zajednice, za određeni period, najčešće za jednu kalendarsku godinu.

Načelnik izrađuje i podnosi skupštini opštine na usvajanje nacrt i prijedlog budžeta. Nakon usvajanja, načelnik je odgovoran za sprovođenje budžeta.

Budžet ima važnu ulogu u upravljanju javnim sredstvima na lokalnom nivou. Građani, kroz svoje izabrane predstavnike ili direktno, trebaju imati uvid u način na koji se njihovi porezi i druga sredstva koriste za lokalne potrebe i razvoj. Kao i kućni budžeti, budžeti JLS su ograničeni i trebaju se planirati u skladu sa najznačajnijim društvenim i ekonomskim prioritetima.

Ova infografika je pripremljena uz podršku Projekta pomoći lokalnoj upravi (LGAA), koji finansira Američka agencija za međunarodni razvoj (USAID), Stavovi i mišljenja izražena u ovome dokumentu ne odražavaju nužno stavove USAID-a ili Vlade Sjedinjenih Američkih Država.

### **PRIHODI**

Struktura prihoda sadrži sljedeće kategorije:

*Prihodi od poreza* čine prihodi od poreza na dobit, dohodak od pojedinaca, lična primanja i preduzeća koji posluju na teritoriji JLS, porez na imovinu, te indirektni porezi koji pripadaju JLS.

*Neporeski prihodi* – najčešće se sastoje od administrativnih taksi i naknada na lokalnom nivou, komunalnih taksi i naknada, naknada za date koncesije na području JLS, naknada od rente, naknada od prometa šumom, prihoda od davanja prava na eksploataciji prirodnih resursa, vodne naknade, naknada za zaštitu prirodnih i drugih nesreća, novčanih kaznih, naknada za upotrebu

cesta za vozila, sredstava za finansiranje požara, prihoda od pružanja usluga i slično. Tu su takođe i naknade za razvoj nerazvijenih dijelova opštine te naknada za uređenje građevinskog zemljišta.

*Tekući transferi i grantovi* – uključuju novčane transfere sa viših nivoa vlasti vezano za različita davanja pojedincima, javnim ustanovama, neprofitnim i nevladinim organizacijama i udruženjima registrovanim na području JLS i novčane podrške sa viših nivoa vlasti vezane za dugoročne/ višegodišnje projekte i davanja na području JLS,

*Kapitalni grantovi* – novčane potpore sa viših nivoa vlasti vezani za dugoročne/ višegodišnje projekte i davanja na području JLS,

*Finansiranje* – sredstva dobijena prodajom stalne imovine kao što je zemljište, stambeni objekti i finansijska imovina,

*Primici od finansijske imovine i zaduživanja* - sredstva iz finansijskih zaduživanja,

*Raspodjela suficita iz prethodnih godina ili višak sredstava iz prethodnih godina.* Ukoliko postoje, ovo su neutrošena sredstva iz prethodnih godina koja se prenose u tekuću budžetsku godinu, te time povećavaju prihodovnu stranu budžeta.

## **RASHODI – Na šta se novac troši?**

Struktura rashoda sadrži sljedeće kategorije:

*Rashodi na lična primanja* – sredstva za plate, naknade, doprinose zaposlenih u JLS i organima javnih institucija na području JLS,

*Rashodi po osnovu korištenja roba i usluga* – najčešće se sastoje od administrativnih taksi i naknada, izdataka za energiju, prevoz i komunikaciju, troškova održavanja, troškova učešća u zajedničkim projektima od značaja za JLS, sredstava za zaštitu od prirodnih i drugih nesreća, naknada za rad mjesnih zajednica, sredstava za zaštitu od požara, rashodi po osnovu putovanja i smještaja i slično,

*Komunalne usluge* – sredstva za održavanje cesta i puteva, javne rasvjete, zelenih površina, rada zimske službe, održavanje i sanacije vodovodne i kanalizacione mreže, zbrinjavanja pasa lualica, i slično,

*Tekući grantovi, subvencije i transferi* – pokrivaju jednokratna davanja javnim ustanovama na području JLS, izdatke za sport i kulturu, troškove prevoza učenika, različita socijalna davanja, stipendije nadarenim učenicima i sportistima, subvencije poljoprivredi, malom biznisu i poduzetništvu, transfere nevladinom sektoru, boračkoj populaciji i projektima od važnosti za mlade,

*Kapitalni grantovi i doznake* – odnose se na kapitalne doznake i pomoći JLS, neprofitnim organizacijama i pojedincima, javnim preduzećima,

*Izdaci za nefinansijsku imovinu* – su sredstva za izgradnju putne, vodovodne i kanalizacione infrastrukture, izgradnje objekata od važnosti za funkcionisanje JLS, sportsko-rekreativnih kapaciteta, objekata od kulturno-istorijskog značaja, unapređenja javne rasvjete, izgradnju grobalja, poslovnih zona i slično,

*Rashodi još obuhvataju izdatke za finansijsku imovinu i otplate dugova, obaveznu budžetsku tekuću rezervu i moguće viškove prihoda nad rashodima.*